

詒

晉

齋

集

詒晉齋集序

詒晉齋集立義卓雅詞旨沈澁
淵博之中多出新意雋逸之外
悉本典墳無心與文人爭長而
奧旨深辭尤非文人所企者
王天姿聰哲學問高深腹笥

六經胸羅萬卷足徵於乾隆年
間在上書房學業之勤之美河
間東平不能獨擅於前更非後
生晚輩之所及也晚年自檢全
集刪繁就簡陳言務去擇其純
粹精華者得集八卷隨筆一卷

後集一卷雖付棗梨未卽印行
逮 嗣王襲封後首舉是事不
可再待故重加校訂爰付梓人
刊板書成命予製序予雖不敏
又何敢以不文辭故敬列其大
槩以誌 賢嗣王刊刻始末不

王之書法遠追晉唐名播海
內才兼文武爲國屏翰尤非
後生晚輩敢妄參一語故不敘
入時道光二十八年歲次戊申
孟冬之月定郡王載銓謹敘

我

朝龍興東土不數年而成大一
統之規其時撻伐宣勤則諸王
之武功最烈洎乎靈臺偃伯

文教覃覃賢才蔚興而宗潢人
文尤邁往古自紅蘭貝子首倡

風雅問亭將軍紫幢居士曉宮
侍郎月山上公後先繼起提唱
宗風代有聞人未易更僕近年
以來則首推

成哲親王焉王少好儒素縱攬
博依不以金璽鑾綬之榮易其

講道論文之樂蓋天才旣超學
力復粹以故詩古文辭動合典
則臨池不倦書法尤高每於扈
從之餘退居之暇俊民滿席吮
墨擘牋一時名公鉅卿莫不退
避三舍

魁

生也晚不獲侍鉛

拜風儀時見碎金零錦之流茫
人間者深以未窺全豹爲憾今
嗣王摩挹手澤撝葺遺編刊
詒晉齋集八卷續集一卷隨筆
一卷出以相示且命爲序 魁曷
敢以不文辭謹受而卒讀之其

詩則揚風扈雅遠接唐音其文
則韓海蘇潮穿穴經史下及題
跋隨筆雖寥寥數語而徵事發
議兀冪雄辯讀之者自爾心折
蓋以北海之善書兼東平之工
頌兩美二難有過之無不及已

夫章縫寒畯之儒一得自矜
思壽諸梨棗此而不傳烏乎可
茲賴 嗣王文孫孝思顯揚梓
以行世是集出而流光宗乘播
譽莼林俾世之仰慕手裁者人
手一編以爲快使我

朝武烈文修後先輝映夫豈僅
帶河礪岳胙土苴茅爲一代之
坊表而已哉謹拜手而序其顛
末如此

賜進士出身丙戌傳臚 日講

起居注官翰林院掌院學士

禮部尚書麟魁謹撰

詒晉齋集卷一

乾隆癸未至癸巳

成親王著

春雨

閑庭春靜百花香
細雨濛濛幽興長
不捲珠簾對寒燭
明朝淥水滿橫塘

詠史詩

交柯蔭永日高閣
延清風我思古之人
羣書浩何窮抗懷
百代上流眄千載中
汗隆謂已往休懼諒
不同達士有心鑑
小儒如夏蟲

二守雖世卿得君專
如彼三家卒竊鈎
悔不納公子大廈
莫去楹荒田遂生杞
利器一示人河魚脫
淵水

鶉首賜秦君天亦何
爲醉咸陽鑄鋒鏑
金人光十二豈
天下兵莫如鉏耰
利鬼瞰鎮高薨人
恫置危器丹書有

言其量必及世

高歌梁甫曲樂此隆中居躬耕布衣事聞達無所需峴
逢良會幡然出衡廬成敗不逆料大智誰能如

當塗乘閏位典午竊神器生人遇艱難是殆非天意須臾
長木標展轉并髦倣猿鶴去蕭牆干戈竟兒戲三代有遺
風淪胥墜於地

紛紜奪攘際梁武方乘時初修泣枕怨遂作孤兒欺如何
淮堰民不如宗廟犧昭明溘早逝天道良可知

隋煬肆其心不知民力艱征遼偶然事江都好江山歌頌
隨龍舟去去不復還誰能監流沫覽鏡空愁顏

文宣著孝經閨門嚴具禮大君建國基是以爲根柢周家
過其數厥惟關雎始旣貽武韋禍迤及諸楊矣

遣將未行日出軍未發時都下有諠言點檢將龍飛點檢亦不聞晉王亦不知披衣變中夜欲辭安得辭古有關文史所以歎宣尼

讀書池上亭俯盤臨逝波明鏡察我形往古聞則多篇章日稽合星宿疇旁羅長養有仁功天地方南訛

擬日出東南隅行

日出東南隅照耀秦氏樓二月桑葉小三月桑葉舒桑葉何青青下有秦羅敷清晨盥漱罷堂上啟阿姑筠竹編爲筐曲木持作鈎自有鄰家女結伴共踟躕大葉三二寸小葉一寸餘攀條將滿筐將歸意不留使君從南來五馬耀中衢金鞍繡絡頭遣吏問所須羅敷無所須使君貴且富大兒執金吾小兒府中趨交錢三百萬絲繩碧綠朱左

睢陽彊右手彈明珠持彊來發彈一發卽中烏重羅複
帳四面垂流蘇中央銅鑪器枝葉自扶疏清商隨風度
座獻趙謳鴛鴦七十二乃在浦與蕖使君自有婦羅敷自
有夫各各有壽命莫學魯秋胡

鏡聽詞

今夕夫何夕凜凜歲云除居人悵獨處含意誰與語嗟我
多爲恤期逝渺所遇檀車無音聲握粟出何去昔聞阿姁
說鏡聽卜行路少小不相信謂當永歡聚唧唧空倉雀焉
能逐雞步開奩出青銅藉以好練素置之懷袖中闢扉出
復顧中心抱區區但願遂良晤所恐聞人言適爲愁憂助
來年會言歸日月忽已遠小姑莫我問人生有征戍

七夕作

灑掃堂中地旣夕張明燈華筵列時果摳衣拜雙星亮月
出滄海風露浩中庭玉繩何耿耿羣宿復熒熒遙看鵲橋
度側聽鸞車鳴藍丸五色縷綠酒同心繒鍤石卜奇巧銀
盤嬉化生窺窗笑方朔鳴鼓訝蔡經開襟樓外思承華殿
上情世間故如此天漢方盈盈徒看機杼苦不見報章成

秋分日作

喬林衆綠退寥天緒風起迨此夕陽好忽共流波靡自有
中天月可以見千里山川阻且脩白露零未已

出古北口

複嶺風雲鬱層關霄漢開古愁輸遠浪寒色上荒臺飲馬
生泉遍連烽到海迴悠然一片月曾照舊龍堆

寒雨吟

行雲掩鵲西山岑蒼然暝色成輕陰初看小苑收殘照
覺涼風動遠林涼風颯颯吹旋急細雨絲絲芳樹濕鴨
小餅自添熏鴛瓦層簷未聞滴轆轤金井闌邊轉隔花
漏宵寒淺暗疑溥露湛金英靜喜霏香潤蒼蘚金英還
逕蒼蘚正參差芳懷漠漠秋懷並寒淺寒深祇自知空
絡緯啼聲小半落紅蓮向宮沼高樓雁響此時沉寒雨
聲何處好霏微寒雨暮秋天羅幔秋燈黯澹邊秋衣準
明朝換明日簾櫳冷翠烟

擣衣篇

涼颼習習生蘋末清宵暗露霑絺葛空帷月色動離愁
離愁懸懸不可豁送君南浦芳春時碧柳初垂門外枝
一從輕燕新巢定門外青苔日夕滋紗窗鸞鏡當秋杪
別恨縈

紆昏復曉蓮花楓葉一般紅蓮花紅嫩楓紅老昏鴉暝色
平林外飛去西山落蒼靄蘭缸初上夜烟輕鴛機纔罷秋
情在宵來擣練素閨寒拂拭砧熨帖安雙杵鳴時風淅
瀝千門鎖處斗闌干淒聲斷續繁音變卻憶流鶯春晝轉
征衫遠寄歲華移祇憑玉尺裁霜練

春夜雨

以下甲午

蘭燈澹影搖層簷苔香馥馥入疎簾松牀竹枕有清氣初
聞夜雨鳴纖纖萬籟無聲微響發三春欲暮緒寒添巡檐
獨步風泠然舉頭但見雲懸懸花邊點滴疑滋露燈外溟
濛祇似烟宵寒雖淺應須避細雨旋停更可憐

四月初六日

賜新居恭紀

賜室初移鶴籞邊清華雲露接高天仙山御氣霑松逕八
液恩波到石泉往者樓臺渾有地載來書畫亦盈船東
舊感縈回在嘉樹陰成近十年

卽傳文忠公
賜居

雨晴用唐張文獻公詩餘滋舍宿霽衆妍在朝暾爲
韻

昨日驟雨來振風薄交疏繁聲落山木清氣滿琴書風雨
一如此澄觀復須臾明明嵐霞散靄靄夕陽餘

白雲出邱陵萬物得其滋離離園中花裊裊辭故枝日夜
安所萌自春徂夏時幽悵不可釋風雅以爲期

晨羞可採擷青青滿筠籃雖云土物微中有雨露含蒸豚
亦何好肥瓠亦何慙顧此嗟嗟者七箸鳴春蠶

池中金鯽魚頰鱗三十六攸攸自戲策策動相逐蘋蘩

與之忘江海不可斛拊檻獨沉吟不覺虞泉宿

洩雲翩其歸高岑廓無翳臨流旣淒清望博何朗麗日氣
涵網緼天光析纖細雖慚三絕才且歡無隱霽

庭中有高梧澣濯得曉甕聊張七絃琴成聲不成弄晉野
遇所希延露和彌衆輕行與浮彈恍惚見鸞鳳

碧樹當遙峯新花媚平泉猶之撫掌樂愛此近自然鳴禽
音載好傾耳景乍延但言得幽意不知世所妍

藉蘭鬱修襟抗館豁遠對勝引霄宇間真覽虛室內側聞
古至人乘流立不貸暖清迭推遷會心適然在

悟物託道心豈必空山遙撫茲草木樂造物何條條坦坦
坐白石默默驗崇朝愧彼忘言侶衷曲結清謠

百昌何精英軒檻出東瞰光采不可極趣賞乃具繁中山

五
汎膏澤飛電無餘痕卽事遺常象理迹遊同源

題倪敬堂先生先人穉疇御史畫七首

以下乙未

蘭

秋蘭生空山幽深見天意瀼瀼中宵露默默獨相被引影
汎寒漪聞薰邐遙吹羅生自有轂含豪緬閑媚市門無佳
人卉木以其類

梅

生意無時無飄風凌素華雖言日可愛奈此雪如沙江楓
久搖落春心若辭家侵晨尋荒蹊古樹見寒芽我欲折相
贈斯人已雲霞

蓮

離離碧菡萏悠悠臨澤陂潛根清波底明月照參差魚戲

蓮葉間一東復一西不惜白紵歌歌成深竚胎還知道里
遠但願花開遲

菊

微霜覆平臯珍木脫幽境起視庭宇間秋菊色彌靜寒來
知日暄華謝知日永當時對菊人湛如無瀾井蹇產結寤
懷相期媚形影

松

畫松發奇姿枝葉不可數陰合嶠嶂雲暝接神靈雨濩落
到層空迢遙絕深阻盤根猝難見下泉抱終古亦知罹凝
寒歲宴孰華子

竹

漠漠素秋雨娟娟脩竹竿處幽嫋節在識韻窮山難清攸

生微寒令人起長歎鳴禽息楚佩天風謝齊紈因之步感
石翠葉如珣玕

水仙

中洲沛吾乘要眇所思遠寒芳欲有贈湘水愁宛轉霜晞
羣馥歇月落冲規滿鼓琴驚魚龍伊人不顧返栖栖豪素
閒吾亦知音選

波羅河屯

欲訪粧樓戰壘平斜暉未斂野風生高山盡見層層影遠
水唯聞浩浩聲

九日送姪德恩億及姪孫純詣董各莊謁大兄定安
親王三兄循郡王五兄榮純親王墓

九日征途望墓祠況當相送騎離離茱萸遇節余多感霜

露生寒爾共知撫首事虛寧有日

億得名時五兄既下世矣

抱孫心在

已無時

謂奕純

寥天正此飛鴻度好爲攜將遠弔辭

晚秋池上

閑齋依碧沼闌檻共澄心竹覆花逾靜雲來日
慙陰賦詩探物妙臨水得秋深過景真難道輕寒自遠林

題南宋游昭秋林醉歸圖

素縑尺許留南宋項子牙章鈐合縫道是游昭法李唐筆
精意秘流傳重天風策策下平原古樹如龍攫土蹲牛陂
以外纖纖草又似寒波浩蕩翻頽然白叟騎牛背欹側冠
簪成熟醉知章但願麴車逢宏景何知軒冕貴宣政收藏
最盛時倉皇根括渺留遺可憐腰鼓城中住官裏惟聞

克絲

賦得雲裏帝城雙鳳闕

以下兩申

爲愛春雲好客容
容護帝城經時蟠鳳闕
侵曉翊金莖咫尺
天衢近紛紜象魏縈
層屏鞅靄漢雙羽換
陰晴恰映朝陽躍
常凝瀨氣晶長安高
處望雨露竚乾行

閑庭

漠漠閑庭納景寬
玉闌干外水光寒
春來別有雙梅樹
欲寄情深落筆難
明霞散彩小樓西
碧柳初長紫燕啼
正是閑庭風景暮
游人歸去草萋萋

補題蔡葛山先生澄懷園八友圖四首

圖作於乾隆二十一年時

余生五年矣八友者梁確軒周葑圃程莘田尚

蘭坡陳月溪張酉堂觀補亭蔡葛山八先生也
舊相有遺構文臣居

賜園

以園為康熙朝索相國所居雍正朝風傳嘉樹譽得乞

聖人言

書制諸謹度

御本不殊風景端由感歿存迢

遠就傳日珍重與君論

八友澄懷宴維時盡老儒驚人成癖性見事半迂夫顧我

生雖後崇賢跡暫紆未嘗專職業幸不棄憚愚時諸師傳

無專職後始請

我與新年弟中天早對牀

十二弟與余同庚同人書房食

常禱脂尺課卽共燈光祖道歸疏廣

秦潤泉編詩託宋庠

弟有詩余近無兒遂奄忽世事此堪傷弟無子蒙恩

緬邈開圖畫沉吟激性真各歡今日讌莫減昔時人求舊

稀朋輩優賢又與輪

園不戒於火奉只應霑

御氣長此奉陽春

八懷詩

原通政使司通政使錢塘孫虛船先生

就傳當函杖從君始叩鐘文無華掩實德有義兼容論列
誠迂遠涓微庶靖共孫登却歸去不聽萬山松

原大理寺卿無錫王晉川先生

風儀劉煦美骨相鄴侯奇侃侃話言著彬彬文質宜明廷

希補職中禁且陳詩乾隆癸亥御試翰詹諸臣於正

詩中用龍鱗聖製辛苦寒儒事羣書坐肆時

原通政使司副使錢塘陳勺山先生

最甚高樓感其如錦里貧文雖驚俗目詩已法前人解佛

非歧路爲儒豈誤身論思在忠孝頭白屬車塵

予告禮部侍郎仁和金海佳先生

一自纓塵滌車懸步漸輕風疑君子隘本是舉家清學以

能勞聚言無未定聲江洲將遠淚欵曲到平生

十二弟卒先生自南

寄詩輓之述當日書
齋相聚時事甚悉

禮部侍郎武進莊方畊先生

成童稍識義實賴與君居饜飫游余志深沉授古書風遺
東首馬字滅北飛魚丙舍初非意承明是舊廬

前翰林院侍講學士河間李廉衣先生

慎密瓶爲口談言鼎解頤家仍獻王俗身似謫仙詩車服

初觀馬萑苻乃及池未須論萬事把酒祝佳兒

原翰林院侍講學士上元秦澗泉先生

六齡承教誨別乃十餘年昔見爲嚴肅今知實愛憐性成

常自直

恩木未輕捐

先生被總師傅章劾時上詳核良久始從其奏

及欲師門謝怒心

已九泉

詹事府少詹事嘉定錢曉徵先生

行敏言尤訥身癯道故肥百家精得善一字必求歸學問
盡今古性情安顯微嗟余見君子寤寐想光輝

平兩金川詩

天地今無外

恩威

聖有宜總干揚武烈就日被文思往者封疆靖常時版籍
披如何兩金冠自速五年師錯壤居邛徼呈官授土司蕃
夷降李相州治記姜維維州本漢徵外羌冉駹地蜀姜維
征羌駐此因有姜維城唐卽其地
置維州後陷吐蕃號無憂城及李德裕治之亦屢叛屢復
五代蜀州內徙改縣曰保寧宋改威州元以州治保寧縣

井入明於州境析置保縣
縣屬茂州今其地尚稱維州
本朝雍正五年省威州入保
云殺至離州橋此其恃勝
勝國罹昏極

興朝煦子遺豺狼貪屬壓虺蝮毒潛吹族類終猜忌生全
罔識知求寧真惻惻負固迺蚩蚩矢計蒿中射纓稽闕下
羈畧惟朱輔得心即祝良推前度勤

王旅元戎鎮九夷止期能痛悔未忍即窮追
乾隆十三年

臨其境即卡乞降赦其罪九夷謂內地九土司綽斯甲布

革什從噶克梭磨卓克采載德仍多變尋盟又善疑謬

虛儼滿甲疊染必溫尸倏忽攻丹堪紛紜掠綽斯鴟張滋

决裂鷓捷互傾虧枉擬光華漏輕邀雨露私自十三年平

泰檄令徹兵支吾不退增修明寨侵丹其修卡劫巴旺

斯甲布三十一年郎卡遣促浸浸讀平聲憑寇令趙拉

人投京求賞請發印信

小金困孤羈踪跡旋藏掩宜羅漫設施唐蒙諳道路賈咀

請鞭笞加厲洵孚剝從凶慣朶頤舊應除孛彗焚與斬初

絲竿撤金雞揭符分銅虎椎冉駝并部落徵側合雄雌卡

初與小金為仇驅逐小金頭目僧格桑後更女之以為婚而僧格桑亦與鄂克什構費郎卡死子索諾木又抗違約

法阿爾泰與提督董天弼帶兵彈壓終莫從服

詔發滇南帥言巡蜀右陲三十六年始議進討調副將軍溫福率滿洲兵自雲南軍營馳

中璋明我誓六鼓問單辭不日臨飛閣當秋建大旗帳

開寒露白馬出亂雲卑幟已草山拔旌還摩壘劓鞬空颺

鵬鶚墟廢竄狐狸大夏芟篁竹天山刈席箕聞鵠忘泣父

舐犢只攜兒三十七年小金平僧格桑奔父攜妻孰料周

防忽稍令効績遲嘯羣翻俶擾收卒儘委蛇三十八年討大金溫福由

西路阿桂由南路以進西路賊擾其後戰於綈綬來丹籞

木果木遇害而失趨拉南路因收兵而出

泥函降紫墀特徵知律將重整詰戎規

以阿桂為定西將軍授之

印禁旅兼精銳和門壹指搗荆湘編伍兩秦隴集偏裨敵

愾征惟濯陳行人可采前禽雖暫失蔓草那嘗滋江漠經

營裏雷霆左右之

阿桂改由西路副將軍明

亮豐昇額由南路以進

驂靳盡登陴鄧艾包氊日張良絕棧時隱情虞險阻盛氣

薄津涯極目羣冰斷漫空凍雪篩陰森搏澔泮牢落走厓

屨箐密難搖影藤枯易折枝十層凭礪直八角撼礪欹巨

礪殷流火輕舟巧織皮青莖調夏箭白羽挺吳鉞入探班

侯虎乘奔叔黨麋鮮鱗求肆蠹敵敦覆巢危儻乞哀憐者

焉庸殄戮為頑心彌轉石衛足莫傾葵伏莽俄撐挂乘垣

且伺窺勒圍宵斫壁

四十年阿桂直搗勒烏圖克賊要害

宜喜日揚麾

賊要害豐昇額攻之一年未下乃

命赴西路而明亮駐宜喜山梁

禮重推車轂

仁隆結履綦壯謀逾感激長策絕游移憲宰風摧葉殍司

水决陂高標都控扼別寨總仇離夙昔仄疎網侵尋救

軍坡陀黃草死培塿獨松萎西路黃草坪數月通聲息三

營合路歧長平全碎瓦中冀競奔魑免胄降頭目褰裳散

娣姨賊既窮蹙其大頭目并索諾木寧慚七葉落恰剩一

楹搯蕩析遑矜爾淪胥待咎誰梯臨城峴屹囊壅浪漫瀾

賊巢穴在噶喇依有川環其西陸散亂迷輪轍疲勞懸釜炊

峭崖虛刮耳猛火及燃眉刮耳崖為噶喇大隊顏行豁渠

酋涕泗悲從容收館穀絡繹駐軍輜園賊四十餘日索諾

月四日率其兄弟及大頭人畢男婦二千淮蔡吭停斧花

餘人出寨跪捧印信罪人斯得大功告成門面罷務先聲破槁竹妙著舉枯棋滅燧教幽障屯田見

渭湄殊方遷尉候餘種斥藩籬鴻雁矜生聚雲霓副渴飢

羽環徠舜陞潮渚滙唐池閼閱名勲樹山川

睿想垂喜同聞左邑功小紀龜茲仲月春衣御游星露布

馳
橋陵申愛慕帳殿侍

徽慈百世崇壇杏千年祕檢芝聲靈齊岱嶽舉錯協宣尼

振旅南轅迓修戎右鉞隨韃橐藏府庫偃伯荅神祇嚴道

殘剽掠哀牢抗撫綏到茲誠滅趾何處與埋趾準鷄初同

翼羊牛合共犧午門受俘組牽索諾木等征蠻曾祀馬敗

狄亦名彰楊柳依依路檀車憚憚期圖屏動毛髮列爵慰

胼胝洗甲迴霄漢銷兵轉曙曦金門書象魏玉座具威儀

遂諭三巴郡平蠲萬戶貲

皇猷長赫業

帝道豈羈縻會極環瀛海開邊底析此行非得已敢明

勒成碑

臣恭讀

上平定伊犁

御製告成

大學碑文

仰見我

皇

聖

金用揚武震第逆首罪稔惡積出於不得已也

送姚息齋先生督學湖南

丁酉

自我與君居於今三年矣方當遠別離攬袂不可止以此
相悉心篇翰具條理君才毗明潔炯若秋潭水物無屢照
疲學有一能美餘子勤汗膚智者綽舉趾雲達漸羽儀忽
忽拾青紫金門翔步高謂當色然喜而乃意深長沖漠殊
未已去去向往古尋源決猛起筆訣本擅時頗閑干祿體
虛矜到惡札冥心降相擬雅素難具陳脫畧舉大抵秋風
自西來木葉散錦綺出門永嘆喟入戶讀陟屺思欲揚吳
舠迨茲霜雪始奉使方乘輶請急暫旋里撫蹟臨江楓興

賢掇沆芷倘能諒宿昔何必同密邇
翩反唐棣華交情必有以

詠落花用文衡山韻

以下戊戌

春歸何處恨茫然強迸閑愁弄雜聯
總覺情殊殷太守也應句擬杜樊川
紛紛落蘂青林下藹藹流光紫陌前
不爲風花成漫與朝寒夕攬已中年

名園散步令心傷飄泊紛紛紆動曉
光楮葉年時成浪費華顏色罷新粧
遊蜂戲蝶稀深院雨絮晴絲共曲塘
綠陰扶疏繞簾幙重題金鴨不燒香

少陵野老典朝衣日對江頭萬片飛
太覺繁華經眼遽何期玩賞及春稀
舞衫欲拂陰鏗咏歌板初停李嶠歸
十里灞亭人去後獨臨歧路惜芬菲

到地無聲可奈何簷楹摩撫舊枝柯知非本色閒應暫
得浮榮夫轉多作態滿筵招祓舞斷魂中夜艷陽歌更誰
檢校城西路細摘殘英綴鈿窠

本擬閑遊爲底忙塵埃擾擾意茫茫如雲早識無根蒂盡
日虛成感色香開府園荒仍滿屋冬郎詩就只空牆都將
命乞偏癡絕老拚深杯注別腸

拚去聲

解恨無端盛小醵胭脂直是萬金紅芙蓉園裏流波去鸚
鵡泉邊望眼空飛去飛來雙社燕吹開吹落一春風玉峯
想訂他年約別去唐昌古觀中

細讀汨纍蘭茝幽直須勝侶作遨頭清江拾翠空嗟暮小
院銜陰正養愁幾處猶開翻悵悵三旬恣賞忽悠悠欲教
長對琪花影天上闌干十二樓

飛揚寂寞兩難任
惱亂東陽姓沈人
剩與樽前留下酒
不逢君處早隨塵
曾臨繡戶欹殘月
忽藉香車送老春
到地因緣浪離合
一時絲管盡華茵

深宮扶荔久銷聲
金谷河陽舊緒盈
覆水杯空收那得
滿城笛怨聽偏明
亦知委謝何關汝
自欲貪看且近情
沙畔冥冥兩三樹
雙垂玉筍話班荆

王孫何日定歸來
莫遣離人賦七哀
不覺叢殘移歲月
欲隨風去拂樓臺
當階索種忘憂樹
埽地須眠稱意苔
自笑青春多感喟
重霑彩筆獨徘徊

趙晉陸機平復帖

倉父何能擅賦才
殊邦羈旅事堪哀
夢中黑幃功名盡
身後丹砂著作推
丞相有家生二俊
將軍無命到三台
鍾土

之際存神物緬邈千年首重回

宋槧有
二俊集

題海山先生石門觀瀑圖

劉誠意讀書處以下已亥

弭棹平江上觀泉到石門昔人讀書處遺蹟至今存世閱
飛流速山開遠勢吞每聞耽勝賞空對畫圖論

夙有山梁性偏兼景物披喧豗動巖壑灑落見襟期眇論

從巴蜀

明初趙天澤先生鄉人也其
論江左人物以文成稱首

陳踪漫郁離且看觀

瀑者曾否舊鬚眉

憶西園春景

獨步迴廊意思閑晚風斜日落春山關關幽鳥交啼處已
見開花碧樹間

賦得魚上冰

得升字以下庚子

太液冰方薄潛魚已漸升乍看浮淺汔不礙觸輕稜躍未

分波出遊疑隔鏡憑暖來羣更密陰處影猶凝
策策呼還得
嵯嵯泮亦曾龍門春浩蕩得氣有先登

夜雨過三岔口

秋霖腹疾費支持況值長途欲夜時秉燭直教成潦倒從
橋又覺苦棲遲
流波總沒荒田隴老馬猶諳大道岐若使
男兒貪惡卧不應曾有路難詩

曉鴉

萬點飛銜曙色來玉房風葉響蓬萊不知高處寒如許下
見千門萬戶開

咏燕截句 辛丑

綠逕溶溶暖香雲漠漠低隔簾窺翦影捲畫避巢泥

葛山先生請假旋里詩以餞行

以下壬寅

公在承明久余心夙所降舊人論第一理學況無雙秋月
明通潞寒梅接海邦隔年雖少別應復憶書窗

詠橄欖

青青諫果玉盤堆搓弄清香日幾回臭味須諳餘苦盡齒
牙多分有甘來大官豈獨供都蔗庶士應教佐標梅聞得
閩中詩叟道千尋直抵豫章材

詠已退筆

曾架珊瑚聲價高卽今誰握缺殘毫依稀剩管空三寸太
息無人愛二毛髡友郎封題未愧浪仙詩祭潤應叨已成
花落無痕夢記否詞林有舊勞

詠雞缸

使君且莫唱黃雞把盞當歌風雨淒客醉不妨中夜舞酒

蘭應到曉窗啼碧金鸚鵡羣仙勸白玉鸚鵡廣宴攜蘇勃
泥青來漸少傳聞更出大洋西

龍福寺

以下癸卯

唐代漁陽地蕭寥古佛都穴巖栖長老伏蠶化嬌姝到日
溪桃發相看殿柏枯葛山今始識往蹟有荒蕪

送薜石先生南歸

去歲相隨北塞上共烹小榼菜花頭而今悵別東門道又
上孤篷潞水舟幾卷攜歸舊書畫餘年暢足好林邱青山
對笑鬚眉改却話金臺足舊遊

鶴唳

綾被增涼露氣清紗窗照影月華明忽聞野鶴數聲唳知
在空林何處行

恭和

御製八溝村元韻

官驛古興州程踰第幾溝耕無遺地力俗變靠天收崇古

耕種謂之九市雜川陸百廛通馬牛於茲見富庶食德合

良謀

佑順寺

喀爾沁盟地中此為名寺
去此百里即入盛京界矣

東途此寺大遼代古臺荒薺合淒涼殿林棲剝落牀行行

轉方塔處處問團倉盟地來朝過垂鞭入故鄉

九關臺邊門

即柳條邊

朝辭蒙古地行入

盛京邊柳柵遺風古金城

恃德堅地方義州近河水大凌連即此恢疆宇興思

啟土年

渡句驪河

句驪之河河水古貞觀萬馬飲馬渡淤泥塞道軍負土行人欲尋失故處何況司馬懿與公孫淵一勝一敗千餘年蕭蕭野岸水無言西流繞出鄧子村遼西河之右遼東河之左太平疆界無彼我河左遼之東河右遼之西年年入貢高句驪

過古原州

句驪河畔曉陰稠河水無聲漫漫流兩槳船頭漁父坐亂烟寒雨古原州

老邊

華路開維始神皋勝可論

數傳天下大當日老邊存爲是邠岐地如觀江漢源民風
政淳樸耕鑿到兒孫

奉

命於九月初一日自常家屯恭隨

冊寶初五日至盛京敬賦

本朝基業蘊靈長始自遼陽定瀋陽宮闕龍光瞻赫奕山
川王氣識飛揚

金函撰吉陪都屆綵案當中

太室藏共仰

孝思酬

世德

珠邱四度薦馨香

恭和

御製盛京奉

祀諸宗室來接詩以示之元韻

序列欽儀節

頒詩重本原聿修皆念

祖

以燕永詒孫孝弟敦宗府春秋入

廟門煖衣兼飽食涕泣

舊勞恩

恭和

御製薩爾滸題句元韻

明國勢全去吾軍氣正昌不同凡勝敵從此定

當陽

恭讀明之國勢監創我之武烈益揚遂乃克遼東取瀋陽

王業

開帝之句牧野麾旄誓立王載旆祥

碑文山上立隳括復精詳

昨有立碑勒

旨薩爾濟山書事文

恭和

御製恭謁

永陵元韻

積厚惟培本

開先漸拓規一方當

眷顧

四祖與留貽

陟降申遙慕焄蒿緬

始基有如滄海日光景發遲遲

恭和

御製興京再疊癸亥五言十韻元韻

東京未築日

國號始稱時
嬪代需良會
經綸奮舊基
卽邨家室地
有芑子孫思
勁卒酬

推赤忠臣感

聽卑柔能皆

妙畧相協自

英姿屹屹三
關口洋洋九
澤陂冠山升
棟牖遵路樹
旌旗

原廟

聲容遠蕭光

昭假遲大邦
張撻伐下國
屬邊陲故土

艱難蹟今來

一示知

恭和

御製赫圖阿拉元韻

赫圖阿拉地

漢語橫甸也

四祖居之久乃自俄朶里西來此焉守

太祖在

興京旣已知

誕受薩爾濟一戰遂以兆奄有然後太子河城郭據原阜

東京居三年盛京爲我取橫甸有土城永言垂不朽

恭和

御製恭謁

福陵元韻

七恨陳詞得

鑒觀小戎葉赫構兵端

躬親斫陣前無敵

仁義行師彼自殘

俯順人心臨位宁

先開言路取糾彈

二木於門

太祖創業之始

俾下情欲達者書之以進

命建

稜門九拜攀號切奕世深追

締造難

恭和

御製恭謁

昭陵元韻

率土嚮風皆貴若有邦垂緒信魏乎

矜憐況瘁酬庸足

決斷機宜握算殊

寶命靈承延景祚羣生翼戴合貞符

天聰十年諸貝勒大臣及蒙古漢人文武

羣臣以

蒙古更獲玉璽

太宗承天應運

輯寧諸國征服

朝鮮文

武

一

天地

即皇

帝位建國號曰大清

改元崇德

即皇

尊號乃祭告

天地

即皇

尊號乃祭告

天地

即皇

丹陵高號同貞觀上擬

恩威敢並驅

昭陵石馬

戰馬猶然蒙

愛惜諸臣誰不願驅馳卽今對立松楸路想像橫摩壁壘

時

舊日轡銜藏府庫

太宗所御鞍轡藏盛京庫中

元勲墳墓近山陂

功臣

楊古利墓距隆業山里許

撫心報効當何似人指雙龍有涕洟

恭和

御製恭瞻

太祖皇帝甲冑作歌元韻

寶勝寺中西閣上尊藏

太祖冑與甲當初有衆十三人耕稼畋漁修舊業由來

真主氣象殊歸附日多皆撫納暮夜有戎在戶牖

披衣一怒萬人怯

祖讐不共誓必報

身讐雖擒赦不殺震出三關大破明

父子君臣同奮發此甲此冑示孫子嶽嶽森森兩髯匣緬

想

神威百年外水陸含靈歸慄慄數人舉之猶不能何以躬環日跋涉

多歷艱苦開國家萬載燕京承

禘祫煌煌闕輦殪戎殷世寶因之垂世法

恭和

御製恭瞻

太宗皇帝所御弓矢元韻

三成材選美九合質掄精

壹發無堅敵

殊能出衆英矢長誰敢掎弓勁莫能抨

弓久弛不可以弦約其面背之厚蓋

計二十餘力俗以九斤四兩爲一力矢長四尺用此威天下猗歟駿有聲

九月廿六日至廣寧縣翼日

北鎮廟陪祭恭紀

六重作鎮倚屏顏碧殿朱扉步武間玉帛舊登虞帝祀紀
綱長總薊丘山涼雲有影秋朝闕細雨無聲夜守關此日
羣靈清輦路太平

天子上

陵還

恭和

御製過錦州疊戊戌詩韻元韻

崛起除殘運孤軍欲抗難初來援京邑瞥爾返辰韓覲面
仍專閫抽身爲宦官軍門

釋縛後州治始能安

祖大壽爲明錦州總兵我軍薄燕京時大壽赴援旣聞袁崇煥被磔懼遠

錦州及我軍克松山擒洪承疇等大
壽乃率衆官詣軍門降遂得錦州

恭和

御製山海關四依

皇祖元韻

峴吼長城首崇墉最要邊高山直北倚巨海徑南連眇邈
沙場在推詳史事傳圍城庚癸日遷鼎甲申年賊本流亡
輩烽無日夕烟憤心緣愛妾銳氣出中權衆潰真奔獸師
行若決川巖關恃虞難地險代皆然

恭和

御製登澄海樓望海再疊癸亥舊作韻元韻

一氣端倪自幹旋遠看浩渺近齋溱樓前俯瞰全無地水
外能包只有天疊浪相催騰萬馬片帆直渡卽飛仙

騫精氣金雞麗禎祥玉簡溫由來封禪事敢賔

聖明論漢阯規模失秦松故實存筍輿繁涉厯蓬矢憶初

原

是日爲
余生日

淺就登山興深追鞠我恩惟殷祈

萬壽長此配天孫

汶上

一水中涵翠浪明北連曉色泰安城烟簑嫋嫋停橈處汶
上春陰畫不成

泗上

春雨濛濛暗白波小橋走馬一經過猶聞泗上居人說十
二諸侯爭戰多

少昊陵

朱宣帝系古華渚大星殷制治唐虞上名官遠近間聖言

書所佚祀典歲仍班那復牲碑在徘徊悵獨還

闕里

闕里恭承事兢兢在禮儀兩楹森幄幕正案肅尊彝尚憶
靈光殿閒周古泮池微躬稽所學近聖已如斯

泗源

志謂子在川上處

泗源方四出陪尾却前橫舊說濱浮磬思尋梓作箏萬夫
求鼎罷尺劍斬蛇行川上獨懷古風泉共此情

過峒嵒章山渡駱馬湖是日宿宿遷之順河集

驅馬峒嵒山遵彼江介路仲春天氣寒適與閏月遇乘陵
旦暮風鬱結華葉樹遙遙出蒼黛稍稍破陰沍遇新賞倍
延懷古望遙寓項羽亦重瞳興廢不同趣下相今何有荒
哉灌莽聚振竿仍上躋揮袂旋却顧西瞻駱馬湖前臨永

濟渡湯湯河水決汨潏恣所赴惆悵惆

堯心約畧邁禹步並湖無驚奔歸塘有安注暮日宿遷城
援筆申此賦

晚泊高郵湖東岸

艤舟倚岸石隄橫窗戶斜陽遠近明尚有懸帆浮甓社已
多收鴨入孟城蘇公臺畔沙禽集孫氏門前春草生三十
六陂烟雨處東風萬里不勝情

揚州雜詠六首

揚州

竹西路徑水邊樓邗上春波翠碧流二月東風吹不斷梅
花如雪到揚州

天寧寺

日麗朱扉金獸環華嚴經出義熙間猶思謝傳風流在手
把圍棋賭墅還

平山堂

複磴層谿枕蜀岡梅花漠漠弄春光只因郡是歐陽守江
上青山到畫堂

倚虹園

修禊城西春水清紅橋不見石橋橫風簾雙燕尋常換不
記當年崔伯亨

廿四橋

維揚絲管日紛紛月夜簫聲不可聞一賦蕪城已悽愴人
間更有杜司勳

隋宮

瓊樹花零大業年更無宮苑鎖雲烟如何一夕江都夢不到雷塘數畝田

金山

絕頂憑欄立春光渺若何天涯芳草遠江上夕陽多去鵲投空沒歸潮際夜過焦先栖隱處明擬問岩阿

焦山

擁碧浮青別可憐令人意興早悠然挂帆春水真天上欸話僧廬又竹邊隱士詩人渾掃跡瓦鑪銅鼎不知年今朝且喜天風便未遣湍波阻勝緣

曲阿後湖用顏延年三月三日侍遊韻贈吉渭厓先生

發歲徂南征江路紆上游俶裝被霜雪駕言發皇州厯覽

岱嶧陽涉亂淮湖流飛雲傍轉轂皓魄隨行舟觀濤海門
出采華京口浮潏潏弄湖水琴麗揚翠旂閱軍戰艦罷擊
汰棹女謳側聞東海神具禮傾十洲嘉哉靜姝子不字非
其疇翩翩金馬彥養疾棲林邱相逢話離索迨此東風柔
見蔣石先生於毘陵驛約會西湖而別

君如春潮信西不到丹陽非關無紙筆祇是各舟航古驛
日光晚春湖月色涼何以盡衷曲別離爲話長

韓蘄王墓

蘄王功烈建炎中一夕金山恨不窮江上軍來銅面具宮
中賜出鳳凰弓生無反側何須備秦檜使張魏公岳鄂王
反側死囑兒孫莫忘忠王嘗謂子姪輩曰我名世忠汝可但
等母諱忠字諱之是忘忠也靈巖南昨墓翠微亭子起悲風

出閩門作

蔗漿茗飲攜隨意須向郊垞看野雲行過許恒橋畔去春
山好處已三分

穹窿道中

信馬騰騰曉露晞朝真銅嶺叩巖扉谷深抱日風來暖樹
古遲春鳥哢稀丹竈燒餘空恹怳石脂闕久轉霏微蕭梁
廢刹閑休覓鄧尉梅花已漫飛

江岸

春深江岸外風雨浙西涼臥柳自槃散疎花無主張留帆
倚雲色送鳥入山光漸老芳菲處王孫去意長

浙海塘雨望

石塘向溟渤目極有無間白盡天邊鳥青連海上山霑衣

春雨慢迎馬午潮還好過丹陽去雙魚只自閒

復雨

春宵颯沓雨到曉晴不得出門上石塘直視但一色天風
吹萬里雲影照海黑波濤翻沉悶魚龍互惶惑側想南飛
鵬霜濕垂其翼下拂珊瑚枝梢如習荆棘珠宮水晶簾寒
烟相組織琪花與瑤草滋潤更奇特渺渺三神山可望不
可卽

岳鄂王墓

桃溪廳事題名後早誓此心天地知帝后終身猶道服獄
人一夕到叢祠死生在世誰無此忠孝如公已不虧魂魄
那能安廟祀徽欽萬古絕還期

上天竺

岩龕天竺看經院乳竇峯陰趁曉遊不改林巒蒼翠色空
懷太白舊樟樓

韜光菴

亂山深處冷禪燈石砌朱欄緩步登爲語菴中千百衆恐
妨鷺鸕是高僧

戚衮墓

小小墳前題片石風裳水珮冷莓苔城邊別有荒榛路寒
食無人弔茂才

夜大雨

落帆陰雨集注下似懸河江定來朝漲雷仍後夜多明林
獨燈火收窟或蛟鼉北去瀟湘鴈遙知沾濕過

宿棲霞寺

攝山南畔正黃昏散步棲霞古寺門露蘚蒙茸江總石風
花雜沓扈謙村六朝棟宇青林密千佛威儀翠壁尊若道
此間多藥草江流袞袞日東奔

太平門箭順治年間取江寧時譚泰都統所射也
天塹長江霧眇冥豫王夜渡北關扃早驚劇鎮兵戈亂苦
望先陵涕淚零叔黨漫能穿甲札伯勞祇有貫丁寧太平
門上將軍箭鐵葉于今飲赤翎

戲馬臺

飛揚寂寞各千年戲馬臺前思渺然只說英雄名字顯還
鄉人也到今傳

毬場

細草蒙蒙春復秋城邊汴泗日交流書生不喜毬場劇何

似春風燕子樓

快哉亭

結構城隅萬景憑
快哉亭上客來登
唯應度鳥奔雲句
尚覺羸材是薛能

白龍潭

廿載知名熟崇朝
問路偕龍涎闕洞
壑地肺宿根菱不
見幽龕燭安知古
殿階罅開旋汨汨
泉湧遂涪涪小漲
成尋渡荒蹊得傍
厓游稀原僻地賞
迴況吾儕

秋雨

涼雨太狼籍蕭蕭
滿目繁綠陰成瘦
削黃葉學飛翻咽
濕夜砧杵遙連秋
塞垣杜陵詩思處
正閉小蓬門

歎菊

九月初六日

自木蘭歸重宿熱河寓舍見堦下黃華索爾衰謝
有深秋之感焉

千山凜嚴宵衆木落清曉我行木蘭中滿目秋事老憶我
寓舍菊堦砌舊繚繞或能凌霜風及歸遂幽討寒窗暫憑
籍短簪急洒掃而何一悵意委地竟衰槁枝梢助憔悴姿
格失窈窕鬧蜂遠颺去吟蟲近縈抱誰云冥情思祇是觸
煩惱萬物固代謝菁英焉可保留連自愴惻毋乃乖達道
顧念手親栽胡能首輕掉雖乏靚粧豔庶期素襟表賦質
良苦薄一榮如過鳥使我興欲索胡爲劇潦倒明晨捨之
歸策馬意悄悄

穹覽寺

建築烏城地題名沈約詩

先朝恩澤在

聖祖話言遺妙相期同就羣藩到不遲杉松猶及見光景
有餘思

詠熏爐

請說銅爐器熏爐出上方舊曾兼謝燭待與助荀香曲度

蘭膏盡

用梁簡文樂府

人來寶祿揚

見溫飛卿詩

屏風行亦可炙手要

須妨

題李唐畫山谷廬山觀瀑小像

匡廬獨坐觀飛瀑晞古當年妙寫真未必王維非自像那

妨黃憲亦前身世途一任呼牛馬天漢千尋洗髮塵二聯用

山谷自贊語

覓取二張圖畫看未知下筆定誰親

張大用張子謙俱會真山

真谷

題李時勉詩箋

每撫詩箋感昔賢墨痕滿目意淒然金瓜事慘洪熙世木
校身危正統年指鹿朝廷誰直道多魚將帥竟生還詎生
亦見何蕃輩肯爲孤臣伏闕前

題王元美敬美小像

南宮捷得鳳皇毛

見元美賀敬美捷南宮詩

太息深冤伍相濤

見李于麟詩

軾轍弟兄空伏闕京攸父子正操刀雅懷未用新桃綬宴
坐何妨舊綬袍散失琅邪先德像只餘兩紙想風騷

元美有琅

邪先德像贊

題尚書房消寒雜詠冊子

天上書堂盡寶書歲寒講貫弟兄俱瞻依日月光華地啟
發篇章老大儒詠雪梁園虛節序吟詩吳地滿江湖金鋪

玉陛迴翔處彩筆唯應氣象殊

顧視瀛洲拂紫毫那同苦思冷吟曹萬牛回首驚麟角一曲臨池見鳳毛珠樹風和相秀發玉階日上轉清高步檐自有元承旨也憶江梅野趣豪

朝來身惹御爐烟氣轉觚稜霽景妍金井寒銷洗宮硯鳳樓手好贈蠻箋爭傳賦捷臨渦策自耐思遲上水船但有日華天鑒句不辭影度八花磚

送海山師傳入蜀

以下乙巳一

九重恩厚本忘家養老須巾下澤車自昔曾傳司馬檄謂兩度奉使歸來似隱杜陵花幾眉翠掃談猶慣杜宇聲之響入蜀

果華

詩用方岳

清廟什留詩卷裏時應北望

紫宸霞

初春園居作

璇源明沼沚，盡舫進樓臺。春日一以照，林花各自開。蕊飛尋舊壘，人到惜新苔。幽興與知生，熟游踪隔歲來。

題陳其年填詞圖代王正庭先生作

元龍湖海氣，何豪擲簡尋。常欲命騷漢，渚只憐雕玉。珮長安解賞，鬱輪袍。桃根畫楫江偏永，柳外斑驩月未高。若祝英靈蘇蕙手，買絲還與繡如皐。

三月初二日陪祭

先農壇耕藉禮成恭紀

清暉冷風九扈春，房星告正日寅賓。崑崙瑞靄應須奏，北里嘉禾定可陳。舊典藉田符吉亥。

精禋

祈穀撰元辰老農莫漫揮珠汗

聖主扶犁近八旬

送葛山相國師傅歸閩

元年成進士五部厯尚書遂卽三台座行懸四望車當時
李密表舊里董陽閭霜露懷蒙犯松杉畢掃除講帷公入
再師範我生初道力彌充實心齋在集虛博通經義外精
及氣差餘黃閣星辰履金章日月居

聖因家學重

恩敢世情疎漳浦清迎棹閩山翠落裾乞寧娛老矣得謝
悵歸與仙島珊瑚樹登臨重跂予

骨種羊

語自北齊始高昂種詩判羊仍瘞骨食肉且蒙皮卜戰

爲軍政

回人以燒羊骨卜戰勝

祈晴有祝詞

復有燒羊骨祈晴者

此言問回紇

揮手道無之

密雲道中

駟馬驟駸駸官橋白水潯新晴看月近小暑覺林深勝國靈何及三邊畧久侵到關猶百里爾許重兵臨

晚坐

幽簾侵晚坐虛閣及秋憑纖月穿林便微風皺水能袁宏詩獨詠謝尚舫同升在野莎雞羽聲聲入夜燈

雨

臥聞到曉雨颯颯竟如何忽遽歲時改參差秋草多雲低垂塞鵠霜晚想池荷儘少重衾夢春愁未是過

雨晴

爲霖欲三日見日未經時每臥夜涼榻厭題秋雨詩快晴
市聲起屢漲驛書遲喜霽人間意登高賦者誰

魏晉人多
喜霽賦

崖口同朱石君先生作

雙崖豁蒼穹萬仞削壁直將將象積石左右屹如嵒疏峯
鎮其薨仍巖衡其闕閭闔何其衢虎豹守其塞攀愁猿猱
足過窮飛鳥翼老藤束厖危怪松出剗刻太古無墜降莓
苔厚黝黑崖陽榮靈草素霜莫能蝕崖陰處山鬼嘑日安
得仄峭門軋關鍵百寶氣屯逼龜山橫西南伊孫中抑減
理無生使獨意驚見所域舍暉娛已極蘊真賞何亟從獵
蘭臺英敬爾載筆職不見燕然銘千載無變泐

禁中齋居

精禋預陪祀大報一陽還心氣齋居定儀文默識爛霜蟾

明殿角寒柝響人間唯有挑燈草詩情靜未刪

冬至

書雲遙望矯名輦蕭燎懸知徹九圍元酒太羹餘禮作天
時人事共光輝向晨宮闕霞偏麗帶日旌旗霜更微春氣
萌芽泉底動飛灰緹室是先幾

冬至雪二首

虞秋天不雨陽月日多晴

大祀馨香格同雲霰雪成蓬萊松上滿鵲鵲瓦邊平田燭
熙熙意恭惟

帝念誠

香烟低亞樹翠管暖融春真有沾梅珮猶慚舞馬人江淮
通輓漕回鵲靖頑嚚又得

天顏喜綏豐轉歲新

復雪

盈尺今年定告豐前番瓦縫未全融積增陰嶺雙明目愁
亂官梅萬點風羔袖知寒頻顧短猊爐近煖喜存紅惠連
漫託相如賦應道金莖氣味同

雪晴

玉房掣鎖曉鴉邊雪色晴交日色懸細埽唯應烹茗串餘
霏更爲拂松顛朶顏三衛冰驅馬瓜步孤城浪拍天歲序
崢嶸又冬暮夢魂振觸兩年前

家有書積漸多矣以經史子集次其目題以長司

錦軸牙籤富自誇深居也說積書家空巢未肯從東野拈
賣猶須歎浣花檢處熒熒銀燭短收時故故玉琴斜顚琛

博物伊何有政可慚人惠子車

臘八粥

嘉平初八日爲粥俗齋僧古意猶腰膈常珍雜栗菱青鍾
牙早動玉井宿初昇滌瀟佳名借羅閣奇字徵木均香育
育炊熟氣乘乘作餉加糖暫非炮實棗仍厨開縷五豆佛
供與雙燈法水除身際祇園乞食曾伊蒲今有舉司穡舊
無憑紀日同丸藥傳餐準賜綾肴疏諸老得見陳思王表香味
翰林稱用金鑾密記事貧食思蒙袂寒征歎斧冰且爲豐歲慶況
自大官登飯鉢吾何解循墻黽勉能

燒火盆行

范石湖題

老婦之祭盛於盆燔柴與窆今尚存秋來雷輕稻堆大歲
云暮矣風雪昏褐禰松枝手挫稽編菅束藁皆勞薪翁宜

飲酒童穉開家家。樞歲騰薌雲。三時作苦一日樂。腐儒寒窗難並論。虛無甜羹潤凍筆。記憶厚祿多故人。東鄰西鄰相煖熱。卻讀五鬼昌黎文。君不見昔時宋家國。學祭瀛亭列齋爲守歲。帽而不帶代以綯。但祈叨冒居高位。何如華堂列炬飛林鴉。來年看遍長安花。

題宋人婕妤好當熊圖

孝元離宮有虎圈。逸材百獸中所豢。六龍臨觀後宮坐。元熊忽然檻木斷。左右辟易勢莫當。婕妤好身前扞其患。猛獸搏人得人止。昭儀慙顏帝免難。婦人女子乃忠義。品庶偷生怯當變。世本將家功效多。野王剛強獨官賤。官賤尚彰婕妤好。美倉卒何期遭妬悍。時移世異徙中山。吁嗟太巨深修怨。張由西走史立來。猶說當年熊上殿。高皇徒行醉拔

劍上天降祚素靈歎前王射兕後王鵠哀平須臾莽移漢

題趙文敏公遊行士女圖

上京風物承平朝君臣暇豫歡遊遨兩宮獻壽開樓殿錦
絨鈎簾樓閣高天魔之舞十六輩酥燈澹影垂飛髻舞罷
仍留只孫宴阿刺曲動雲迢迢灤河六月涼如水況是秋
天天沈寥都人士女亦行樂三三五五出近郊絳綃團衫
窄合袖騰花散繭相翩飄湘妃寶馬更超忽碧烟白露光
陰交花含蒨亂興未極纖纖素手攀寒條池臺鐘鼓動無
數桑哥意得東南搖趙家王孫拭素絹筆迫周昉寫纖毫
若寫臨安歌舞地披圖我祝如離騷

題五代李贊華番部行程圖

陰山草木秋荒荒枝乾葉脫天嚴霜番王大獵陰山北獵

罷行程山水長支撐番帳作宿頓納寶之地收圍場轅隙
轡縷盡脫卸席地乳湏傳杯觴檐子窩中翠髻侍鵬絃鐵
撥彈宮商地椒紫菊燦如錦天魔踏舞何郎嘗鑪鍋黃鼠
美滋味後烹橘綠迭角羊蘭筋萬匹都結尾蒼鷹六韜盧
在韁人物精工綵色古誰其作者東丹王東丹契丹之介
弟名號已侈稱人皇楚比秦鍼作羈客李詩瑣高唐投唐
射鹿之圖久傳世此圖亦經內府藏千秋名畫不勿見令
人更想胡范陽

次嚴愛亭先生

恩賜貂褂詩韻

攬衣趨直下詞頭

特賜豐貂典數優身本忘寒温室樹

聖教推暖翠雲裘貢新恰自名山入感極翻憐舊褐留好
是三英被邦彥向來文彩一何稠

豐茸熨貼美無加旃毳生涯見更誇每歲製成從尚馬今
朝傳

賜出重華須知被服霑三傑已覺歡顏庇萬家那用買裘
思出塞西琛不說道途賒

門神詩次諸先生聯句韻

臘向文房餞詩從石鼎翻惟神今守歲其祀古于門爲辟
高明瞰寧辭啟閉煩衣冠神武曾筆墨鄂褒痕章昭其麟
植威儀具虎賁楯郎曾雨立驍騎儼雲屯勇許先登擅功
從植立論偶原儲土木餒欲畀庖闔貓虎猶修意坊庸台
報恩雖榮鰲掖署也耐雀羅存倚市誰堪賤當關儼自尊

幸環儒者堵莫撤价人藩節事田蠶照朋歡
太平象萬戶闢春暄

二世孫成郡王載銳家藏板